



Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta

Complectens Primam Secundæ, & Secundam Secundæ Summæ
Theologiæ

Thomas <von Aquin, Heiliger>

Venetiis, 1593

5 Vtrum omnes obliget.

[urn:nbn:de:hbz:466:1-72759](#)

personarum locum non habet. Nō enim est personarum acceptor qui ex liberalitate de suo dat vni, & non alteri: sed si esset dispensator honorū communium, & non distribueret aequaliter secundum meritā personarum, esset personarū acceptor. Salutaria autem beneficia Deus humano generi cōfert ex sua gratia: vnde non est personarum acceptor, si quibusdam p̄r alii cōferantur. vnde dicit Aug. in lib. de praedestinatione sanctorū: * Omnes quos Deus docet, misericordia docet: quos autem non docet, iudicio non docet. hoc enim uenit ex damnatione humani generis pro peccato primi parentis.

AD TERTIUM dicēdum, q̄ beneficia gratiae subtrahuntur homini propter culpam: sed beneficia naturalia non subtrahuntur, inter quā sunt ministraria angelorum, quæ ipse naturarum ordo requirit, ut s̄per media gubernentur infima: & etiam corporalia subsidia, quæ non solum hominibus, sed etiā iumentis Deus administrat, secundum illud Ps. 35. Homines & iumenta saluabis Domine.

¶ super Questiones magistri oītā, Articulum quintūm & sextūm.

ARTICVLVS V.

Vtrum omnes homines obligabantur servare legem ueterem.

A D QUINTVM sic proceditur. Videtur q̄ omnes homines obligabātur ad obseruādā ueterem legē. Quicunque enim subditur regi, oportet, q̄ subdatur legi ipsius: sed uetus lex est data a Deo, qui est rex oīs terræ, vt in Psal. 46. dicitur. ergo omnes habitantes terram tenebantur ad obseruantiam legis.

¶ 2 Prat. Iudei saluari non poterant, nisi legem ueterem obseruarent: dicitur enim Deuter. 37. Maledictus qui non permanet in sermonibus legis huius, nec eos opere perficit. si igitur alii homines sine obseruantia legis ueteris potuissent saluari, peior sufficeret conditio iudeorum, quam aliorum hominum.

¶ 3 Prat. Gentiles ad ritum iudaicum, & ad obseruantias legis admittebantur: dicitur enim Exo. 12. Si quis peregrinorum in ueterā voluntē trāsire coloniā, & facere Phase domini, circuncidetur prius omne masculinum genus, & tunc rite celebrabit, eritq; similis sicut indigena terra. Frustra autem ad obseruantias legales sufficiunt extranci admissi ex ordinatione diuina, si absque legalibus obseruantis saluari potuissent: ergo nullus saluati poterat, nisi legem obseruaret.

SED CONTRA est, q̄ Dion. dicit 9. cap. cāl. hier. * q̄ multi Gentilium p̄ angelos sunt reduciti in Deū: sed constat, q̄ Gentiles legē non obseruabāt. ergo absque obseruantia legis potuerunt aliqui saluari.

RESPON. Dicendum, q̄ lex uetus manifestabat praecepta legis naturæ, & superaddebat quādā propria praecepta. Quantum igitur ad illa, quæ lex uetus continebat de lege naturæ, omnes tenebātur ad obseruādā ueteris legis, non quia crāt de veteri legē, sed quia erant de lege naturæ: sed quantum ad illa quæ lex uetus superaddebat, nō tenebātur aliqui ad obseruantiam veteris legis, nisi solus populus iudæorū. Cuius ratio est: quia lex uetus, sicut dictum

A est, * data est populo iudeorum, ut quandam p̄r agriam sanctitatis obtineret propter reuerentiam Christi, qui ex illo populo nasciturus erat. Quæcumque autē statuuntur ad specialem aliquorum sanctificationem, non obligat nisi illos: sicut ad quēdam obligantur clerici, qui mancipiūtū diuino ministerio, ad quæ laici non obligantur. Similiter & religiosi ad quēdam perfectionis opera obligantur ex sua professione, ad quæ seculares non obligantur. & similiter ad quēdam specialia obligabatur populus ille, ad quæ alii populi non obligabantur: unde dicitur Deuter. 18. Perfectus eris, & absque macula coram domino Deo tuo: & propter hoc etiam quēdam professione utebantur, ut patet Deut. 26. Profiteor hodie coram domino Deo tuo &c.

B AD PRIMVM ergo dicendū, quod quicunque subduntur regi, obligantur ad legem eius obseruādā, quam omnibus communiter proponit: sed si instituit aliqua obseruanda a suis familiaribus ministris, ad hæc ceteri non obligantur.

AD SECUNDVM dicendum, quod homo quādō Deo magis coniungitur, tantō efficiēt melioris conditionis: & ideo quanto populus iudeorum erat astrictus magis ad diuinum cultum, dignior alijs populis erat: unde dicitur Deut. 4. Quæ est alia gens sic inclita, ut habeat ceremonias, iustitias, judicia, & uniuersam legem? & similiter etiam quādum ad hoc sunt melioris conditionis clerici, quam laici: & religiosi, quam seculares.

AD TERTIUM dicendum, q̄ Gentiles perfectius & securius salutem consequerantur sub obseruādā legis, quam sub sola lege naturali: & ideo ad eas admittebantur. Sicut etiam nunc laici transeunt ad clericatum, & seculares ad religionem, quamvis absque hoc possint saluari.

ARTICVLVS VI.

Vtrū lex uetus conuenienter data fuerit tempore Moysi.

A D SEXTVM sic proceditur. Videtur q̄ lex uetus ad 2. & 4. di. 1. q. 1. ar. 1. q. 4. co. & Gal. 3. lcc. 7. non conuenienter fuerit data tempore Moysi. Lex. n. uetus disponebat ad salutem, quæ erat futura per Christum, sicut dictum est: * sed statim homo post peccatum indiguit huiusmodi salutis remedio. ergo statim post peccatum lex uetus debuit dari.

¶ 2 Prat. Lex uetus data est propter sanctificationem eorum, ex quibus Christus nasciturus erat: sed Abraham incepit fieri promissio de semine, quod est Christus, ut habetur Genes. 12. ergo statim tempore Abraham debuit lex dari.

¶ 3 Prat. Sicut Christus non est natus ex aliis descendib⁹ ex Noe, nisi ex Abraham, cui facta est promissio: ita enim non est natus ex aliis filiis Abraham, nisi ex Dauid, cui est promissio renouata, secundum illud 2. Reg. 23. Dixit vir, cui constitutum est de Christo Dei Iacob. ergo lex vē debuit dari post Dauid, sicut data est post Abraham.

E SED CONTRA est, quod Apostolus dicit ad Gal. 3. quod lex propter transgressionem posita est, donec ueniret semen cui promiserat, ordinata per angelos in manu mediatoris, id est, ordinabiliter data, ut glos. * dicit. ergo congruum fuit, ut lex uetus illo temporis ordine traderetur.

R E S P O N. dicēdum, quod cōuenientissime lex uetus data fuit tempore Moysi. Cuius ratio potest accipi ex duobus, secundū quod quilibet lex duobus generibus hominum imponitur. Imponitur n. quibusdam duris & superbis, qui per legē compescuntur & domantur. Imponitur etiam bonis, qui per legem

Glos. ordinaria ibi.